



Istraga u SIPA-i

AGENTI AID-a DAJU IZJAVE



O UGLJENU!

Ispitano na desetine osoba, a u SIPA-i potvrđeno da postupaju prema naredbi tužioca • Ko je ispitan i kada će izvještaj biti poslan Tužilaštvu

Istražitelji Državne agencije za istrage i zaštitu (SIPA) saslušali su u proteklom mjesecima nekadašnje čelnike i agente bivšeg

AID-a o likvidaciji Nedžada Ugljena, nekadašnjeg drugog čovjeka bošnjačke tajne službe, ubijenog 1996. u Sarajevu.

Ova policijska agencija provo-

di istragu i vrši provjere prema naredbi Tužilaštva BiH, što nam je u SIPA-i zvanično i potvrđeno. Čeka se odluka o saslušanju Nedžada Herende.

3. strana

POLITICKA UBISTVA Intenzivirana istraga po nalogu Tužilaštva BiH

SIPA saslušava AID-ovce o slučaju 'Ugljen'!

Do sada ispitano na desetine osoba, a u **SIPA-i** potvrđeno da postupaju prema naredbi tužioca • Ko je sve ispitan i kada će izvještaj biti poslan Tužilaštvu

Istražitelji **Državne agencije za istrage i zaštitu (SIPA)** saslušali su u proteklim mjesecima na desetine osoba na okolnosti nove istrage koja se odnosi na političku likvidaciju Nedžada Ugljena, nekadašnjeg drugog čovjeka bošnjačke tajne službe (AID), koji je ubijen 28. septembra 1996. u Sarajevu, otkriva „Dnevni avaz“.

Tajne informacije

Ova policijska agencija provodi istragu i vrši provjere prema naredbi Tužilaštva BiH, što nam je u **SIPA-i** zvanično i potvrđeno, ali zbog tajnosti istrage bez dodatnih pojašnjenja.

- Obavještavamo Vas da policijski službenici **Državne agencije za istrage i zašti-**

tu postupaju po aktu Tužilaštva BiH, te se za više informacija možete obratiti Tužilaštvu – stoji u odgovoru iz **SIPA-e** na naš upit o saznanjima da su u toku saslušanja osoba u vezi s novom istragom u slučaju „Ugljen“.

Podsjetimo, Tužilaštvo BiH je u aprilu prošle godine ponovo formiralo predmet i otvorilo zvaničnu istragu koja se odnosi na Ugljenovo nikad rasvijetljeno ubistvo.

Predmet je prošle godine vraćen u nadležnost Tužilaštva BiH, koje se aktiviralo u istrazi tek odlaskom Gorana Salihovića, smijenjenog glavnog državnog tužioca.


Tako **SIPA**, kako nezvanično saznajemo, saslušava



Ugljen: Likvidiran 1996. godine

prve ljude i agente bivšeg AID-a, čiji je Ugljen bio zamjenik direktora, a posjeduju određene informacije o razlozima ubistva.

Nedavno je iskaz dao i Kemal Ademović, bivši di-



Ademović: Nedavno dao iskaz

rektor AID-a, ali nije poznato u kojoj ulozi, svjedoka ili osumnjičenika, s obzirom na njegove motive i ulogu u političkim likvidacijama.

Konačni odgovori

U ranijim istragama svi svjedoci u ovom predmetu ispitivani su isključivo u Tužilaštvu Kantona Sarajeva, koje nikada nije do kraja dovelo slučaj. Nadu ulijeva da bi predmet koji se sada vodi na nivou države konačno mogao pokrenuti s mrtve tačke rasvjetljavanje ovog, ali i brojnih drugih političkih ubistava u našoj zemlji.

Izvještaj **SIPA-e**, kako saznajemo, uskoro bi trebao biti gotov i poslan Tužilaštvu BiH.

M. AŠČIĆ

Zašto Herenda nikada nije ispitan

U istrazi o ubistvu Ugljena ključni svjedok najvjerovatnije je Nedžad Herenda, bivši pripadnik zloglasne paravojne formacije „Ševe“ koji se nalazi u Holandiji, a odbijen je zahtjev za njegovim izručenjem BiH po optužbama za zločine nad Srbima u Velikom parku u Sarajevu.

Herenda, prema informacijama „Avaza“, nikada nije ispitivan na okolnosti

likvidacije Ugljena, ali ni za zločine u Velikom parku. Iskaz istražiteljima Tužilaštva koji su ga posjetili dao je samo na okolnosti atentata na porodicu generala Sefera Halilovića.

To je jedan od razloga zašto bi **SIPA**, po nalogu Tužilaštva BiH, putem međunarodne pravne pomoći mogla ponovo ispitati Herendu, ali isključivo o slučaju „Ugljen“.



HERENDA:
Hoće li ga ponovo posjetiti istražitelji